

19 06

19 հունիսի 2020թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 419034/16

ՎԱՐՉԱԿԱՆ ԻՐԱՎԱՆԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով թիվ 21208 վարույթը և կից նյութերը,

ՊԱՐԶԵՑԻ

Ա/Ձ Տիգրան Ղազարյանի (ՀՎՀՀ 66962891) սնանկության գործով կառավարիչ Գառնիկ Փանոսյանը /հասցե՝ ք. Երևան, Դավիթաշեն 3-րդ թաղ. 132. բն. 32/ համաձայն «Կուտակային կենսաթոշակների մասին» ՀՀ օրենքի 14-րդ հոդվածի՝ ՀՀ հարկային օրենսգրքի 156-րդ հոդվածի 4-րդ մասի 2-րդ կետով սահմանված ժամկետում հարկային մարմին չի ներկայացրել 2019 թվականի անհատ ձեռնարկատիրոջ սոցիալական վճարի մասով տեղեկատվությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Կողմը գործի քննության վայրի և ժամանակի մասին պատշաճ ծանուցված լինելով՝ դիմում է ներկայացրել այն մասին, որ սնանկության գործի շրջանակներում կատարված գործողությունների ընթացքում պարտապանի անվամբ հաշվառված գույք չի իրացվել, նրա անվամբ հարկային պարտավորություններ չեն առաջացել, հետևաբար պարտավորությունների վերաբերյալ տեղեկատվություն ներկայացնելու պարտավորություն չի կրում:

Վարչական վարույթի ընթացքում կատարված ուսումնասիրությամբ պարզվել է, որ Ա/Ձ Տիգրան Ղազարյանը գործունեությունը դադարացնելու դիմում է ներկայացրել 18.02.2019թ-ին, սնանկ է ճանաչվել 08.04.2020 թվականին /գործ թիվ ՍնԴ0660/04/20/: Հետևաբար Գառնիկ Փանոսյանը 2019 թվականի անհատ ձեռնարկատիրոջ սոցիալական վճարի մասով տեղեկատվություն ներկայացնելու պարտավորություն չի կրում:

Նկատի ունենալով, որ տվյալ պարագայում բացակայում է վարչական իրավախախտման դեպքը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 43-րդ հոդվածի 1-ին մասի բ) կետով, Վարչական իրավախախտումների վերաբերյալ ՀՀ օրենսգրքի 244², 247 հոդվածի 1-ին մասով, 281 հոդվածներով և 282 հոդվածի 2-րդ կետով՝

ՈՐՈՇԵՑԻ

Կարճել Գառնիկ Փանոսյանի վերաբերյալ հարուցված թիվ _____ գործի վարույթը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն.

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Մասնակցեցի գործի քննությանը, որոշման վերաբերյալ առարկություններ չունեմ

Ստացա որոշման պատճենը _____

(ստորագրություն)